



Kenyataan Media

CYBERJAYA

1 Julai 2021

MCMC TURUN PADANG TANGANI MASALAH CAPAIAN INTERNET DI KG. BAHAGIA, KUALA KRAI

Susulan masalah capaian Internet lemah di Kg. Bahagia, Kuala Krai dan juga beberapa buah kampung sekitarnya iaitu Kg. Mambong dan Kg. Sungai Rimau yang dilaporkan oleh Berita Harian pada 29 Jun 2021, Suruhanjaya Komunikasi dan Multimedia Malaysia (MCMC) telah melaksanakan pemeriksaan di lokasi aduan.

Satu pertemuan antara pihak MCMC Negeri Kelantan, Yang Berhormat ADUN Guchil iaitu Tuan Hilmi Abdullah, Ketua Kampung Bahagia iaitu Encik Mohamad Zain bin Abdul Majid, salah seorang pelajar Cik Mimi Aina Syahira Muhamad (pelajar SPM) dan wakil penyedia perkhidmatan terdiri daripada Celcom, Digi, Maxis dan U Mobile telah pun diadakan pada 30 Jun 2021 bagi mendapatkan gambaran berhubung masalah yang dihadapi oleh penduduk setempat dan menjelaskan perancangan MCMC.



Gambar 1: Pengarah MCMC Negeri Kelantan, Abd Munib Mohd Zain (tiga dari kiri) bersama-sama dengan Yang Berhormat ADUN Guchil iaitu Hilmi Abdullah (empat dari kiri), Ketua Kampung Bahagia, Mohamad Zain bin Abdul Majid (kanan sekali) dan wakil penyedia perkhidmatan sedang memeriksa status sebuah menara komunikasi di Kg. Bahagia.

Gambar 2: Pegawai MCMC sedang mendapatkan maklumat lanjut berhubung masalah capaian Internet yang dihadapi oleh salah seorang pelajar dan calon SPM di Kg. Bahagia.

Pihak MCMC sedar akan masalah liputan yang dihadapi oleh penduduk di Kg. Bahagia dan beberapa buah kampung di sekitarnya seperti Kg. Mambong dan Kg. Sungai Rimau. Oleh itu bagi mengatasi masalah berkenaan, MCMC telah memasukkan pembinaan menara baharu untuk ketiga-tiga kampung tersebut menerusi Pelan Jalinan Digital Negera (JENDELA). Tiga (3) buah menara baharu akan dibina di ketiga-tiga kampung itu di bawah pelan JENDELA Fasa 1 dan dijangka siap pembinaannya pada bulan April 2022.

Apabila kerja-kerja pembinaan menara baharu itu siap nanti, ia dijangka membantu menyelesaikan masalah liputan yang dihadapi selain memberi manfaat kepada 1,800 orang penduduk di ketiga-tiga kampung tadi termasuk juga pelajar-pelajar.

JABATAN KOMUNIKASI KORPORAT MCMC

Suruhanjaya Komunikasi dan Multimedia Malaysia | Malaysian Communications and Multimedia Commission
MCMC Tower 1, Jalan Impact, Cyber 6, 63000 Cyberjaya, Selangor MALAYSIA
T: + 60 3 86 88 80 00 | F: + 60 3 86 88 10 00 | E: scd@mcmc.gov.my | W: www.mcmc.gov.my



Suruhanjaya Komunikasi
Dan Multimedia Malaysia



SKMM_MCMC



MCMCTV